

TUR PARTIDO A ACEPTA APOLONIA WERLEMAN COMO GOBERNADOR

E proximo Gobernador di Aruba

ORAANJESTAD (AAN): Segun DIARIO a compronde, tur e partidonan despues di a consulta cu nan seno a bay di acuerdo y a acepta unanimamente e postulacion di Apolonio Werleman como candidato pa bira Gobernador di Aruba.

Manera ta conoci, Gobernador Felipe Tromp lo mester baha for di e puesto ey e aña aki, y pesey Gobierno a busca un candidato y a dicidi di pone Apolonio Werleman riba e lista y a bira esun principal. Segun Gobierno a indica, e persona aki ta bon conoci y e ta sigur un persona neutral cu por maneha e puesto aki bon. Ademá e lo ta un cierre di carera hopi grandi di un bon Arubiano.

Apolonio Werleman a naci dia 18 di April 1924 na Aruba y na St. Dominicus College el a obtene su MULO-A diploma. Despues el a obtene su L.O. Engels diploma y a

termina mayoria parti di M.O. Engels di un curso di Leidse Onderwijsinstellingen. Na Juni 1959 el a pasa e examen pa traductor huramenta pa Hulandes-Ingles v.v. y a ser admiti como traductor huramenta.

Ademá el a tuma tres curso den Accounting for di La Salle Extension University y varios curso den "management" tempo cu el tabata traha pa Compania Lago.

Na Chicago tambe el a sigui un curso den "Administrative Procedures".

E tabata un empleado di Lago for di Januari 1942 te November 1981, como 40 aña. Eynan el a ocupa e funcion di senior PR Assistant y tabata encarga for di 1968 te 1978 cu publicacion di Aruba Esso News como redactor.

El a presta servicio militar den Savaneta Kamp for di

Januari 1943 te April 1947 y a sali for di servicio como Tweede Luitenant.

Desde inauguracion di Eilandsraad di Aruba na 1951 y te 1975 e tabata miembro di Eilandsraad, mas di 24 aña. Desde 17 di November 1954 e tabata miembro di Staten Antillano y a ocupa e funcion aki pa mas di 16 aña te 1982.

Na December 1954 e tabata tambe un delegado di Aruba na Den Haag en conexion cu e firmamento di e Statuto di Reino Hulandes. Den ambos funcion representativo, el a actua prome como miembro di Partido UNA y desde 1971 como miembro di MEP.

Desde su fundacion na 1969, e ta un miembro di Directiva di Stichting Avondonderwijs Aruba, cual ta encarga cu curso di anochi di HAVO. Ademá e ta miembro di Consejo di Paro-

quia Santa Cruz.

For di April 1989 e ta miembro di Raad van Advies. E ta casa cu Angelica Ras y

nan tin diez yiu. El a worde condecora como Officier in de orde van Oranje Nassau na 1970.